



REPUBLIKA E SHQIPËRISË
AUTORITETI I KONKURENCËS
KOMISIONI I KONKURENCËS

VENDIM

Nr. 832, Datë 23.09.2021

“ MBI AUTORIZIMIN E PËRQENDRIMIT TË REALIZUAR NËPËRMJET PËRFTIMIT TË KONTROLLIT TË SHOQËRISË SK WIND GMBH & CO.KG NGA SHOQËRITË STATKRAFT GERMANY GMBH DHE STATKRAFT HOLDING WIND & SOLAR DEUTSCHLAND GMBH.”

Komisioni i Konkurrencës me pjesëmarrjen e:

Znj. Juliana LATIFI	Kryetar
Znj. Leida MATJA	Zv/Kryetar
Z. Eduard YPI	Anëtar
Znj. Adriana BERBERI	Anëtar
Z. Denar BIBA	Anëtar

Në mbledhjen e tij të datës 23.09.2021, shqyrtoi çështjen me:

Objekti: Autorizimi i përqendrimit të realizuar nëpërmjet përfimit të kontrollit të shoqërisë SK Wind GmbH & Co.KG nga shoqëritë Statkraft Germany GmbH dhe Statkraft Holding Wind & Solar Deutschland GmbH.

Baza Ligjore: Nenet 2, 10-12, neni 24, germa d, dhe nenet 53-64 të ligjit nr. 9121, datë 28.07.2003 “Për mbrojtjen e konkurrencës”, i ndryshuar; Rregullorja “Për zbatimin e procedurave të përqendrimit të ndërmarrjeve”; Udhëzimi “Për formën e njoftimit të përqendrimit” dhe Formulari i njoftimit të përqendrimit.

Komisioni i Konkurrencës, pas shqyrtimit të relacionit të Sekretarit të Përgjithshëm si dhe raportit të Drejtorisë së Analizës dhe Metodologjisë së Tregjeve mbi njoftimin e përqendrimit të realizuar nëpërmjet përfimit të kontrollit të shoqërisë SK Wind GmbH & Co.KG nga shoqëritë Statkraft Germany GmbH dhe Statkraft Holding Wind & Solar Deutschland GmbH,

VËREN SE :

Transaksioni dhe procedura

Pranë Autoritetit të Konkurrencës, është depozituar njoftimi mbi përfimin e kontrollit të shoqërisë SK Wind GmbH & Co.KG nga shoqëria Statkraft Germany GmbH dhe shoqëria Statkraft Holding Wind & Solar Deutschland GmbH.

Referuar “Marrëveshjes së Shitblerjes” të lidhur më datë 20 gusht 2021, palët janë:

Blerësi 1. Statkraft Germany GmbH është një shoqëri me përgjegjësi të kufizuar, me objekt veprimtarie: veprimtaria holding, blerja, administrimi dhe shitja e aksioneve në shoqëri të tjera dhe kryerja e të gjitha aktiviteteve të ndërlidhura.

Blerësi 2. Statkraft Holding Wind & Solar Deutschland GmbH është një shoqëri me përgjegjësi të kufizuar, me objekt veprimtarie: blerja, administrimi dhe menaxhimi i shoqërive Holding.

Shoqëritë Statkraft Germany GmbH dhe Statkraft Holding Wind & Solar Deutschland GmbH janë pjesë e Statkraft Group. Statkraft AS, është shoqëria mëmë e Statkraft Group.

Në Shqipëri, Statkraft AS është i pranishëm nëpërmjet filialeve të zotëruar prej tij, Statkraft Renewables Albania Sh.p.k dhe shoqërisë koncesionare Devolli Hydropower Sh.A.

Shitësi 1: Breeze Three Energy GmbH & Co. KG, është një shoqëri me përgjegjësi të kufizuar e regjistruar sipas legjislacionin gjerman, me objekt aktiviteti: pjesë e industrisë së gjenerimit, transmetimit dhe shpërndarjes së energjisë elektrike.

Shitësi 2: Breeze Three GmbH, është një shoqëri me përgjegjësi të kufizuar e regjistruar sipas legjislacionin gjerman.

Shoqëria Target: SK Wind GmbH & Co.KG është një shoqëri me përgjegjësi të kufizuar, e regjistruar sipas legjislacionin gjerman, me objekt veprimtarie: zotërimin e një portofoli me ferma të gjenerimit të energjisë nga era (Gjermani dhe Francë).

Shoqëria SK Wind GmbH & Co.KG nuk realizon të ardhura në Shqipëri.

Nëpërmjet marrëveshjes së synuar, shoqëritë Statkraft Germany GmbH dhe Statkraft Holding Wind & Solar Deutschland GmbH do të fitojnë kontrollin dhe pronësinë e plotë mbi shoqërinë SK Wind GmbH & Co.KG sipas kushteve dhe afateve në Marrëveshjen e shitblerjes.

Transaksioni i propozuar konsiston në përftimin e kontrollit të shoqërisë SK Wind GmbH & Co.KG nga shoqëritë Statkraft Germany GmbH dhe Statkraft Holding Wind & Solar Deutschland GmbH, i parashikuar në nenin 10 dhe 12, të ligjit nr. 9121, datë 28.07.2003 “Për mbrojtjen e konkurrencës”, i ndryshuar dhe si i tillë kërkohet autorizimi nga Komisioni i Konkurrencës.

Vlerësimi i konkurrencës

Referuar nenit 3, pika 7, të ligjit nr. 9121, datë 28.07.2003 “Për mbrojtjen e konkurrencës”, i ndryshuar, si edhe Udhëzimit nr.76, datë 07.04.2008 “Për përcaktimin e tregut përkatës”, treg përkatës i produktit mund të konsiderohet tregu i gjenerimit dhe tregtimit së energjisë së rinovueshme, por duke qenë se transaksioni nuk do të ketë asnjë ndikim në tregun shqiptar si edhe duke iu referuar praktikave të Komisionit Evropian në çështje të ngjashme, tregu përkatës i produktit do të lihet i hapur. Treg përkatës gjeografik do të konsiderohet territori i Republikës së Shqipërisë.

Transaksioni i propozuar është përftimi i kontrollit të shoqërisë SK Wind GmbH & Co.KG nga shoqëria Statkraft Germany GmbH dhe shoqëria Statkraft Holding Wind & Solar Deutschland GmbH, të cilat janë pjesë e Statkraft Group.

Statkraft Group është prezente dhe realizon të ardhura në Shqipëri nëpërmjet shoqërisë koncesionare Devolli Hydropower Sh.A.

SK Wind GmbH & Co.KG nuk është prezente dhe nuk realizon të ardhura në Shqipëri.

Përqendrimi nuk do të krijojë mbivendosje ose marrëdhënie të rrjedhës së sipërme apo të poshtme midis aktiviteteve të palëve në nivel kombëtar dhe për këto arsye, transaksioni i synuar nuk do të sjellë asnjë ndryshim dhe nuk do të ketë asnjë ndikim në tregun shqiptar.

PËR KËTO ARSYE:

Komisioni i Konkurrencës, në bazë të nenit 24, shkronja d dhe nenit 56 pika 1 të ligjit nr. 9121, datë 28.07.2003 “Për mbrojtjen e konkurrencës”, i ndryshuar,

VENDOSI:

1. Të autorizojë përqendrimin e realizuar nëpërmjet përfutimit të kontrollit të shoqërisë SK Wind GmbH & Co.KG nga shoqëria Statkraft Germany GmbH dhe shoqëria Statkraft Holding Wind & Solar Deutschland GmbH.
2. Ngarkohet Sekretari i Përgjithshëm për njoftimin e palëve dhe dërgimin e vendimit pasi të bëhen pagesat që parashikon rregullorja “Për caktimin e shpenzimeve për ndjekjen e procedurave pranë Autoritetit të Konkurrencës”.

Ky vendim hyn në fuqi menjëherë.

KOMISIONI I KONKURRENCËS